

# UNIVERSITI TEKNOLOGI MALAYSIA

UTM.02.01/10.12/2 Jld. 6 (72)

25 Mei 2007  
8 Jamadillawal 1428

## PEKELILING PENTADBIRAN BIL. 9/2007

### WAKTU BEKERJA OPTIMUM

Sejak akhir-akhir ini didapati sebahagian besar staf Universiti sentiasa keluar kampus untuk urusan peribadi atau menikmati makan / minum pada waktu pagi. Keadaan staf Universiti yang keluar beramai-ramai juga telah memberikan gambaran yang negatif dan menjejaskan imej Universiti sebagai "Menara Gading" di kalangan masyarakat sekeliling kampus.

2. Bagi mengelakkan gambaran yang negatif dan tidak baik itu, Universiti pernah mengeluarkan peraturan melalui Pekeliling Pentadbiran bil. 10/1980 bertarikh 29 Mei 1980 yang menyebut "*staf tidak dibenarkan keluar dari kampus di masa "rehat minum"*". Peraturan tersebut telah dikuat kuasa mulai dari tarikh 1 Jun 1980 dan masih diguna pakai. Oleh itu, adalah menjadi tanggungjawab semua staf untuk mematuhi peraturan tersebut.

3. Sesuai dengan arahan Kerajaan supaya sistem penyampaian perkhidmatan yang berkesan dilaksanakan dengan sewajarnya bagi menjamin produktiviti yang tinggi, pihak Universiti telah memutuskan supaya tempoh masa bekerja dari jam 8.00 pagi hingga 10.00 pagi, Isnin hingga Jumaat dimanfaatkan sepenuhnya bagi urusan pejabat. Semua staf juga tidak dibenarkan keluar untuk apa-apa urusan peribadi termasuk minum pada waktu tersebut.

4. Oleh yang demikian, semua Ketua Jabatan diminta agar dapat memantau supaya gejala keluar pejabat waktu pagi diatasi dengan kadar segera supaya imej Universiti tidak terjejas. Di samping itu, dengan langkah ini juga diharapkan akan mengurangkan tanggapan negatif masyarakat terhadap staf perkhidmatan Kerajaan.


...2/-

5. Ketetapan ini hendaklah dipatuhi oleh semua staf dan adalah berkuat kuasa mulai tarikh surat ini dikeluarkan.

Sekian dimaklumkan dan terima kasih.

**"BERKHIDMAT UNTUK NEGARA KERANA ALLAH"**

Yang benar,



**WAN MOHD. ZAWAWI BIN WAN ABD. RAHMAN**  
Pendaftar  
b.p Naib Canselor

- s.k.
- Y. Bhg. Datuk Naib Canselor
  - Y. Bhg. Dato' Timbalan Naib Canselor (HEP dan Alumni)
  - Timbalan Naib Canselor (Akademik dan Antarabangsa)
  - Timbalan Naib Canselor (Penyelidikan dan Inovasi)
  - Pengarah UTM *City Campus*, Kuala Lumpur
  - Pegawai-pegawai Kanan/Dekan/Pengarah